

Na osnovu člana 6. Odluke o utrošku sredstava koja se dodjeljuju u Budžetu Grada Srebrenik za (su) finansiranje projekata i programa u oblasti sporta, tjelesne kulture i sportskih manifestacija (Službeni glasnik grada Srebrenik“, broj:1/22 i 2/24) i Programa utroška sredstava s kriterijima raspodjele sredstava transfera i subvencija utvrđenih Budžetom Grada Srebrenika za 2024.godinu Službe za boračko invalidsku zaštitu i društvene djelatnosti Grada Srebrenika , Služba za boračko invalidsku zaštitu i društvene djelatnosti, *raspisuje*

**JAVNI POZIV
za (su) finansiranje programa/projekata sportskih organizacija
u oblasti sporta, tjelesne kulture i sportskih manifestacija za 2024. godinu**

I

Predmet Javnog poziva

Predmet Javnog poziva je prikupljanje prijava za odabir korisnika sredstava utvrđenih u Budžetu Grada Srebrenika za 2024. godinu, na budžetskoj poziciji 614 311-40 - „Program podrške za ostale sportske klubove, uspješne sportiste, organizovanje sportskih projekata i manifestacija“ (u daljem tekstu: Sredstva) u ukupnom iznosu od 140.000,00 KM (slovima: stotinučetrdesethiljada i 00/100 KM), te na budžetskoj poziciji 614311-15 „Sportski klubovi-program podrške sportskim organizacijama koje se takmiče u najvišem državnom i entitetskom rangu (nogomet, košarka i odbojka) u iznosu od od 189.300,00 KM (slovima: stotinuosamdesetdevethiljada i trista KM)

**II
Namjena Sredstava**

Sredstva se dodjeljuju za realizaciju programa/projekata sportskih organizacija koji se odnose na:

- a) sufinansiranje vrhunskog sporta,
- b) sufinansiranje kvalitetnog sporta,
- c) sufinansiranje sporta lica sa invaliditetom,
- d) sufinansiranje sportske rekreacije,
- e) sufinansiranje sportskog odgoja i obrazovanja,
- f) sufinansiranje zdravstvene zaštite sportista,
- g) sufinansiranje sportskih takmičenja na međunarodnom, državnom, federalnom, kantonalm i gradskom nivou,
- h) sufinansiranje organizacija sportskih manifestacija.

**III
Pravo na dodjelu Sredstava**

Pravo na dodjelu Sredstava imaju sljedeće sportske organizacije i druge pravne osobe koje se bave sportskom djelatnošću:

- a) sportski klubovi (amaterski i profesionalni),
- b) sportska društva,
- c) školska sportska društva grada,
- d) gradski sportski savez,
- e) udruženja sportske rekreacije,
- f) sportski klubovi lica sa invaliditetom (amaterski i profesionalni),
- g) druga udruženja koja se prema svojim registrovanim djelatnostima bave sportom.

**IV
Uslovi za dodjelu Sredstava**

(1) Sportske organizacije i druge pravne osobe koje se bave sportskom djelatnošću iz tačke III Javnog poziva mogu kandidovati svoj program/projekat ako ispunjavaju sljedeće uslove:

- a) da imaju sjedište na području Grada Srebrenika,
- b) da su osnovani i registrovani u Bosni i Hercegovini,
- c) da su izmirile svoje obaveze po osnovu poreza i obaveznih doprinosa ili imaju zaključen sporazum o odgođenom plaćanju sa nadležnom poreskom upravom, koji se izvršava na način utvrđen tim sporazumom,
- d) da su projekti i programi u potpunosti ili djelimično namijenjeni građanima Grada Srebrenik,
- e) da se projekti i programi realizuju za period budžetske godine (od 01.01-31.12),
- f) da ne obavljaju aktivnost u ime političkih partija

(2) Izuzetno, sredstva se mogu dodijeliti sportskim organizacijama iz tačke III Javnog poziva sa sjedištem van područja Grada Srebrenika, koje su registrovane na teritoriji Bosne i Hercegovine, ako u realizaciji sportske djelatnosti učestvuju sportisti koji imaju prebivalište na području Grada Srebrenika koji čine istaknute sportiste pojedince koji ostvaruju vrhunske rezultate u individualnim sportovima, a za potrebe priprema i učešća na sportskim takmičenjima u tim sportovima.

(3) Sportske organizacije koje apliciraju za dodjelu finansijskih sredstava sa budžetske pozicije 614311-15 „Sportski klubovi-program podrške sportskim organizacijama koje se takmiče u najvišem državnom i entitetskom rangu (nogomet, košarka i odbojka) u iznosu od 189.300,00 KM, pored naprijed navedenih treba da ispunjavaju i sljedeće uslove:

- da se bave kolektivnim sportom i to u oblasti nogometa: ako se takmiče u Premjer ligi BiH ili Prvoj ligi Federacije BiH, u oblasti košarke: ako se takmiče u Premjer ligi BiH ili A1 ligi, te u oblasti odbojke: ako se takmiče u Premjer ligi BiH ili Super ligi. Takođe prilikom raspodjele sredstava Komisija će se rukovoditi prije preuzetim obavezama na osnovu potpisanih sporazuma, ugovora i sl sa sportskim organizacijama. Ove sportske organizacije kao aplikaciju koristit će aplikacijski obrazac 1.

(4) Sportske organizacije koje apliciraju za dodjelu finansijskih sredstava sa budžetske pozicije 614311-40 - „Program podrške za ostale sportske klubove, uspješne sportiste, organizovanje sportskih projekata i manifestacija“ u ukupnom iznosu od 140.000,00 KM mogu svojim projektnim prijedlogom tražiti maksimalno 20% planiranih sredstava sa ove budžetske pozicije. Ove sportske organizacije kao aplikaciju koristit će aplikacijski obrazac 2,3 i 4.

V

Kriteriji za dodjelu Sredstava

(1) Vrednovanje, odnosno sufinansiranje programa/projekata sportskih organizacija pod a), b), c), d), e), f), g) iz tačke III Javnog poziva vrši se na sljedeći način:

a) **Vrhunski i kvalitetni sport** (vrednuju se i sufinansiraju takmičenja u okviru internacionalnih i državnih saveza članica IOC-a i Sport Accorda u kolektivnim i pojedinačnim sportovima). Sufinansiraju se programi i projekti koji se odnose na:

1) Vrhunski sport (kolektivni sportovi)

- pripreme i učešće na olimpijskim igrama, svjetskim i evropskim prvenstvima, na međunarodnom ligaškom takmičenju u organizaciji krovnih međunarodnih sportskih asocijacija, mediteranskim igrama i balkanskim prvenstvima (juniorska ili seniorska konkurenca).

2) Vrhunski sport (pojedinačni sportovi)

- pripreme i učešće na olimpijskim igrama, svjetskim, evropskim i balkanskim prvenstvima, mediteranskim igrama, na međunarodnim takmičenjima najvišeg ranga u organizaciji krovnih međunarodnih sportskih asocijacija na kojima se ostvaruje norma za olimpijske igre (juniorska ili seniorska konkurenca).

3) Kvalitetni sport (kolektivni sportovi)

- pripreme i učešće u prva dva najviša ranga takmičenja organizovanim na nivou BiH (seniorska konkurenca),
- pripreme i učešće u najvišem rangu takmičenja organizovanom na nivou BiH (omladinske uzrasne kategorije).

4) Kvalitetni sport (pojedinačni sportovi)

- pripreme i učešće na pojedinačnom prvenstvu BiH ili drugom sličnom prvenstvu, koje osigurava plasman u reprezentaciju BiH (seniorska konkurenčija),
- pripreme i učešće na pojedinačnom prvenstvu BiH ili drugom sličnom prvenstvu, koje osigurava plasman u reprezentaciju BiH (omladinske uzrasne kategorije).

b) Sport za lica sa invaliditetom

Sufinansiraju se programi/projekti koji se odnose na:

1) Vrhunski sport (kolektivni sportovi)

- pripreme i učešće na paraolimpijskim igrama, specijalnim olimpijadama, svjetskim i evropskim prvenstvima, međunarodnom ligaškom takmičenju u organizaciji krovnih međunarodnih sportskih asocijacija.

2) Vrhunski sport (pojedinačni sportovi)

- pripreme i učešće na paraolimpijskim igrama, specijalnim olimpijadama, svjetskim, evropskim i balkanskim prvenstvima.

3) Kvalitetni sport (kolektivni sportovi)

- pripreme i učešće u prva dva najviša ranga takmičenja organizovanim na nivou BiH.

4) Kvalitetni sport (pojedinačni sportovi)

- pripreme i učešće na pojedinačnom prvenstvu BiH ili drugom sličnom prvenstvu koje osigurava plasman u reprezentaciju BiH.

c) Sport za sve (vrednuju se i sufinsansiraju programi/projekti koji se odnose na sportsku rekreaciju, sportski odgoj i obrazovanje i zdravstvenu zaštitu sportista). Sufinansiraju se programi i projekti koji se odnose na:

1) Sportska rekreacija

- tjelesne aktivnosti i sportske igre koje okupljaju veliki broj djece i omladine,
- tjelesne aktivnosti odraslih koje nemaju organizovane takmičarske oblike.

2) Sportski odgoj i obrazovanje

- organizacija školskih sportskih takmičenja,
- sportska edukacija mladih, školske i studentske omladine,
- edukacija stručnih lica.

3) Zdravstvena zaštita sportista

- obezbjedenje i unapređivanje sistema zdravstvene zaštite vrhunskih, kvalitetnih i perspektivnih sportista.

d) Organizacija sportskih manifestacija

Sufinansiraju se programi/projekti koji se odnose na:

1) Organizacija manifestacija sa dugom tradicijom i masovnog karaktera,

2) Organizacija sportskih manifestacija od gradskog značaja.

VI

Programi/projekti koji se ne sufinsansiraju

(1) Pravo na dodjelu sredstava ne mogu ostvariti sportske organizacije koje su kandidovale projekte koji su usmjereni:

- Projekti sportskih organizacija koje nisu izvršile obaveze po ranije odobrenim projektima finansiranim ili sufinsansiranim iz Budžeta Grada Srebrenika,
- Projekti koji se baziraju na investiciona ulaganja, adaptaciju ili izgradnju kapitalnih objekata ili na kupovinu opreme osim ako je oprema neophodna za uspješnu implementaciju projekta,
- Projekte kojima je predviđen dio administrativnih i materijalnih troškova (el.energije,voda, telefon, kancelarijski materijal i sl.) veći od 20% ukupnog iznosa projekta,
- Projekti koji su usmjereni prema političkim aktivnostima,

- e) Projekti koji su namijenjeni isključivoj dobiti pojedinaca,
 - f) Projekti i sportske organizacije koje se finansiraju sa drugih budžetskih pozicija iz Budžeta Grada Srebrenika.
- (1) Pravo na dodjelu sredstava ne mogu ostvariti sportske organizacije koje planiraju sufinansirati sljedeće troškove:
- a) plaćanje zakupa kancelarijskog prostora
 - b) naknade za rad predsjednika, dopredsjednika i sekretara sportske organizacije
 - c) naknade za rad upravnog odbora i drugih radnih tijela organizacije
 - d) troškovi reprezentacije predsjednika udruženja i drugih upravljačkih tijela,
- (2) Nisu podnijele narativni i finansijski izvještaj o namjenskom utrošku dodijeljenih sredstava i koje nisu opravdale namjenski utrošak dodijeljenih sredstava u protekloj godini.

VII Opće odredbe **Objava Javnog poziva**

Javni poziv se objavljuje na zvaničnoj web stranici Grada Srebrenika, te oglasnoj ploči Grada Srebrenika.

Način podnošenja prijave

- a) Prijave na Javni poziv se podnose na jednom od propisanih aplikacijskih obrazaca za dodjelu sredstava po Javnom pozivu za sufinansiranje programa/projekata sportskih organizacija u oblasti sporta, tjelesne kulture i sportskih manifestacija za 2024. godinu, koji mora biti potpisana i ovjeren pečatom pravne osobe, sa izjavom o tačnosti svih podataka,
- b) Aplikacijski obrasci su propisani kao:
 - Aplikacijski obrazac 1 – Vrhunski i kvalitetni sport ;
 - Aplikacijski obrazac 2 – Kolektivni i individualni sport i sport lica sa invaliditetom;
 - Aplikacijski obrazac 3 – Rekreativni sport, sportski odgoj i obrazovanje, zdravstvena zaštita i druge sportske djelatnosti
 - Aplikacijski obrazac 4- Sportske manifestacije

Napomena: Aplikacijski obrazac 1. koriste sportske organizacije koje se prijavljuju za dodjelu sredstva sa budžetske pozicije 614311-15, a aplikacijski obrazac 2.3 i 4 sportske organizacije koje se prijavljuju za dodjelu sredstva sa budžetske pozicije 614311-40.

i isti se mogu preuzeti na web stranici Grada Srebrenika

Potrebna dokumentacija

Uz popunjeno aplikacijski obrazac, potrebno je dostaviti sljedeću dokumentaciju u originalu ili ovjerenoj kopiji (**dokumentaciju od a) do zaključno sa d) ne dostavljaju sportske organizacije koje su se prijavile na javni poziv 2023.godine izuzev onih koje su u međuvremenu imale statusne promjene**):

- a) Rješenje o registraciji,
- b) Uvjerenje o poreskoj registraciji – identifikacioni broj ,
- c) Obavještenje o razvrstavanju – Klasifikacija djelatnosti ,
- d) Karton deponovanih potpisa sa ugovorom o otvorenom žiro računu ili potvrda iz banke o otvorenom reačunu,
- e) Bilans stanja i bilans uspjeha iz Godišnjeg obračuna za predhodnu godinu,
- f) Dokaz o namjenskom utrošku sredstava dodijeljenih iz Budžeta Grada Srebrenika za predhodnu godinu (ako je aplikant koristio sredstva iz Budžeta),

- g) Sportske organizacije obavezne su prilikom prijave dostaviti i dokumentaciju kojom dokazuju ispunjavanje kriterija za vrednovanje programa/projekata prema Odluci o utvrđivanju uslova, kriterija i postupka za raspodjelu sredstava za oblast sporta, tjelesne kulture i održavanje sportskih manifestacija za 2024. godinu. Potrebna dokumentacija je navedena u aplikacijskim obrascima, zavisno od namjene sredstava za koju sportske organizacije apliciraju.

Dostavljanje prijava

Prijave na Javni poziv na propisanim obrascima sa kompletnom dokumentacijom, u zatvorenoj koverti, sa obaveznom naznakom: „**Javni poziv za sufinansiranje programa/projekata sportskih organizacija u oblasti sporta, tjelesne kulture i organizovanja sportskih manifestacija za 2024. godinu – NE OTVARAJ**“, dostaviti lično na pisarnicu Grada Srebrenika ili preporučeno poštom na adresu:

**Grad Srebrenik
Služba za boračko invalidsku zaštitu i društvene djelatnosti
Varoških polja bb, 75350 Srebrenik**

Rok za dostavljanje prijava

Javni poziv ostaje otvoren 15 (petnaest) dana od dana objavljivanja na oglasnoj ploči Grada Srebrenika i zvanične web stranice Grada.

Informacije podnosiocima prijava

- Prispjela dokumentacija neće se vraćati.
- Podnosioc prijave je odgovoran za tačnost podataka u prijavi na propisanom obrascu.
- Prijave koje nisu podnesene na propisanim obrascima, neblagovremene i nepotpune prijave, kao i prijave koje nisu dostavljene u navedenom roku neće biti razmatrane.
- Prijave korisnika koji nisu opravdali namjenski utrošak dodijeljenih sredstava u protekloj godini, neće biti razmatrane.
- U slučaju nedostatka sredstava u Budžetu Grada Srebrenika obustavlja se realizacija dodjele sredstava u potpunosti ili djelimično, srazmjerno nedostajućim sredstvima.
- Sve dodatne informacije vezane za Javni poziv mogu se dobiti svakim radnim danom na brojeve telefona: 035/366-442.

O rezultatima javnog poziva podnosioci prijava će biti obaviješteni putem web stranice Grada Srebrenika

U Srebreniku, 29.01.2024. godine.

POMOĆNIK GRADONAČELNIKA-ŠEF SLUŽBE

Jašarević Muhamed, dipl. kriminalist